

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

Foru Agindua 186/2016, uztailaren 22koa, zeinaren bidez hasiera ematen baitzaio honako hauek onartzeko prozedurari Natura 2000 Sareko Valderejo-Sobrón-Arcena mendilerroa ES2110024 KEB/HBBEa natura gunearen kudeaketa gidalerro eta neurrien agiria eta Valderejoko natura parkearen Erabilera eta Kudeaketa Arautzeko III. Plana

Valderejo eremua natura parke izendatu zen 4/1992 Dekretu urtarrilaren 14koaren bidez (EHAA, 28. zk., otsailaren 11koa). 3/1992 Dekretu urtarrilaren 14koaren bidez, Valderejoko eremuko Natura baliabideak antolatzeko Plana onartu zen (EHAA, 27. zk., otsailaren 10ekoa), natura gunek eta basa flora eta fauna kontserbatzeko legean ezarritako prozeduraren konforme (4/1989 Legea, martxoaren 27koa).

Arabako Foru Aldundiaren Ingurumen eta Hirigintza Sailak Valderejoko Natura Parkearen Erabilera eta Kudeaketa Arautzeko III. Planaren hasierako agiri bat egin zuen, eta Euskal Autonomia Erkidegoko Natura Kontserbatzeko Legearen Testu Bateginean ezarritako izapideak igaro ondoren (16/1994 Legea, ekainaren 30ekoa), behin betiko onartu zen Diputatuen Kontseiluaren 381/2011 Erabaki uztailaren 5ekoaren bidez.

Hala ere, ez zen bururatu kudeaketa agiri horri azken onarpena eman eta Euskal Herriko Agintaritzaren Aldizkari Ofizialean argitaratzeko prozedura, zeren Valderejoko eremua, natura parke izendatua izateaz lekora, Natura 2000 europar sareko Batasunaren garrantziko lekuen zerrendan (BGL) eta Hegaztientzako Babes Bereziko Eremuen zerrendan (HBBE) sartu baitzuen Europako Batzordeak, ES2110024 kodearekin, eta, hala, Eusko Jaurlaritzan horri buruzko esku-mena duen sailak kontserbazio bereziko eremu (KEB) izendatzeko prozesua abiarazi baitzuen; beraz, beharrezkoa zen planifikatzea lurralde berean batera eragiten duten hiru tresnak eta argitzea kudeatzeko tresnen egitura.

Zehazteko behar hori berariaz dator Euskal Autonomia Erkidegoko Natura Kontserbatzeko Legearen Testu Bateginean xedatutakotik (1/2014 Legegintza Dekretua, testu bategina onartzen duena):

– 13. artikuluan, natura gune babestuen kategoriak jasotzen dira, eta horien artean dira “Europako Natura 2000 Sarean sartutako eremu edo lekua (Batasunaren garrantziko lekuak –BGL–, kontserbazio bereziko eremuak –KBE– eta hegaztientzako babes bereziko eremuak –HBBE–), a), b) eta c) aurreko kategoriekin eremuz, osoki edo partzialki, batera suertatzen bada ere)”

– 18 artikulua dio: “Natura-gune babestuetako zenbait figura leku berean gainezartzen badira, horien arauak zein plangintza-mekanismoak dokumentu bakar batean koordinatu behar dira, eremuaren kudeaketa-planean, kategoria bakoitzaren arabera aplikatu daitezkeen araubideek osotasun koherente bat osatzeko helburuarekin.

Arau hori Estatuaren oinarriko legeriari jarraituz idatzi zen, alegia, 42/2007 Legearen 28.2 artikuluari jarraituz (42/2007 Legea, abenduaren 13koa, Natura Ondareari eta Biodibertsitateari buruzkoa, beste honek emandako idazkeraren arabera: 17/2012 Errege Lege Dekretua, maiatzaren 4koa, Ingurumen arloko presako neurriei buruzkoa).

2016ko martxoaren 15ean, Eusko Jaurlaritzaren Ingurumen eta Lurralde Politikako Sailak 47/2016 Dekretua onartu zuen, zeinaren bidez Valderejo-Sobrón-Arcenako mendilerroa (ES2110014) kontserbazio bereziko eremu (KEB) eta hegaztientzako babes bereziko eremu

(HBBE) izendatzen baita, dagozkion kontserbazio neurriekin (EHAA, 87. zk., 2016ko maiatzaren 10ekoa).

Araugintza ildo horri berari jarraituz, 1/2014 Legegintza Dekretuaren 22. eta 18. artikuluek 27. eta 19. artikuluekin loturik xedatzen dutenaren arabera, Arabako Foru Aldundiaren Ingurumen eta Hirigintza Sailak, natura gunearen organo kudeatzailea den aldetik, Ingurumen eta Hirigintza Zuzendaritzaren bitartez, hasierako agiri berri bat egin du, "Natura 2000 Sareko Valderejo-Sobrón-Arcenako mendilerroa ES2110024 natura gunearen kudeaketa gidalerro eta neurriak eta Valderejoko natura parkearen erabilera eta kudeaketa arautzeko III. Plana" izenekoa, gune horren kudeaketa lege horren printzipio inspiratzaileei egokitzearen.

Horretarako, agiri horrek gune horretako erabilera eta jardun batzuen eta besteen arauketa berariazkoa ezartzen du, bai eta Valderejoko natura parkea kudeatzeko irizpideak eta oinarriko jardunak ere. Era berean, gune horren kontserbazio helburuak definitzen ditu, bai eta Natura 2000 Europar Sare Ekologikoko natura gune gisa (Valderejo-Sobrón-Arcenako mendilerroa ES2110024 KEBa/HBBEa) kudeatzeko irizpide eta neurriak ere.

Testu berrian sartzen dira Batasunaren garrantziko leku, natura parke, kontserbazio bereziko eremu (KEB) eta hegaztientzako babes bereziko eremu (HBBE) hori babesteko tresna batzuk eta besteak. Halako moldez non, izapide hauetatik aterako den agiria natura parkea izendatzeko dekretuaren III. eranskin gisa joango baita, Valderejo-Sobrón-Arcenako mendilerroa gunearen planifikazio koordinatua lortzearen.

Agiria onartzeko prozedura, berriz, ebazpen honen bidez hasiko da, eta izapide hauek igaro beharko ditu:

1. 2 hilabeteko epean aldi berean gauzatuko diren izapideak:

– . Erasandako udalen eta administrazio batzarren eta eskualde horretan interes sozialak ordezkatzen dituzten elkarten txostena.

– . Erasaten zaien herri administrazioei entzunaldia emateko izapidea.

– . Euskal Autonomia Erkidegoko Naturaren Aholku Batzordearen, Ingurumen arloko Aholku Batzordearen eta Euskal Autonomia Erkidegoko Ingurumen Batzordearen eta Landaberriren txostena.

– Jendaurrean jartzeko izapidea.

2. Alegazioak eta proposamenak analizatu ostean, Planaren agiria aurkeztuko zaio, hala badagokio onar dezan, natura parkearen patronatuari.

3. Arabako Foru Aldundiko Diputatuen Kontseiluak Valderejoko natura parkearen erabilera eta kudeaketa arautzeko III. Planari hasierako onarpena ematea, kontserbazio bereziko eremuaren eta hegaztientzako babes bereziko eremuaren kudeaketa eta jardun gidalerroak erantsita, Natura Kontserbatzeko Legearen Testu Bateginaren 29 c) artikulua xedatutakoa betez.

4. Euskal Autonomia Erkidegoko Lurralde Antolamenduko Batzordearen eta hirigintza arloan eskumena duen foru organoaren txosten aginduzkoa (ELAB).

Txostena emateko epea: hilabete.

5. Arabako Foru Aldundiko Diputatuen Kontseiluak behin betiko onartzea helburu zehatzak garatzeko programak lantzeko gidalerroak, bai eta natura gunea kudeatzeko gidalerroak eta jardun irizpide eta jarraibide orokorrak ere.

6. Eraitza gisa ateratzen den agiria autonomia erkidegoan natura guneen arloan eskumena duen sailari aurkeztuko zaio, eta hark Eusko Jaurlaritzari aurkeztuko dio araugintza eragina duen zatia, dekretuz onar dezan.

Erabilera eta kudeaketa arautzeko planaren araugintza eragineko zatia onartzen duen dekretuak aginduko du argitara daitezela, dekretuaren eranskin gisa, foru organoak onartutako gidalerro, irizpide, jardun eta jarraibideak.

Azaldutako horren guztiaren ondorioz, eta kontuan harturik Arabako Foru Aldundiaren antolaketa, funtzionamendu eta araubide juridikoaren Foru Arauak (52/1992 Foru Araua, abenduaren 18koa) 40. artikuluan Ingurumen eta Hirigintza Saileko foru diputatuari esleitzen dizkion eskumenak

XEDATZEN DUT

LEHENENGOA: Abiaraztea honako hauei hasierako onarpena emateko prozedura: Natura 2000 Sareko Valderejo-Sobrón-Arcena mendilerroa ES2110024 KEBa/HBBEa natura gunearen kudeaketa gidalerro eta neurrien agiria eta Valderejoko natura parkearen Erabilera eta Kudeaketa Arautzeko III. Plana.

Izapide horietatik ateratzen den agiria Valderejo-Sobrón-Arcenako mendilerroa KEBa eta HBBEa izendatzeko dekretuaren III. eranskin gisa joango da.

BIGARRENA: Aldez aurreko onarpena ematea Natura 2000 Sareko Valderejo-Sobrón-Arcena mendilerroa ES2110024 KEBa/HBBEa natura gunearen kudeaketa gidalerro eta neurrien agiriari eta Valderejoko natura parkearen erabilera eta kudeaketa arautzeko III. Planari.

HIRUGARRENA: Txostenak egin ditzaten aurkeztea Natura 2000 Sareko Valderejo-Sobrón-Arcena mendilerroa ES2110024 KEBa/HBBEa natura gunearen kudeaketa gidalerro eta neurrien agiria eta Valderejoko natura parkearen erabilera eta kudeaketa arautzeko III. Plana honako hauei:

- Gaubeako eta Lantarongo udalak.
- Bachicabo, Barrio, Bóveda, Corro, Espejo, Nograro, Pinedo, Sobrón, Tobillas eta Valderejoko administrazio batzarrak.
- Eskualdeko interes sozial, ekonomiazko eta ingurumenezkoak ordezkatzan dituzten elkar-teak.
- Naturzaintza Euskal Autonomia Erkidegoko Natura Zaintzeko Aholku Batzordea.
- Ingurumen arloko Aholku Batzordea.
- Euskal Autonomia Erkidegoko Ingurumen Batzordea.
- Landaberri.

Txosten horiek emateko gehienezko epea bi hilabete izango da, ebazpen hau jakinarazten denetik.

Entzualdia eskaintzea herri administrazioei, bi hilabetekoa, aurreko atal horietan aipatzen diren agiriak jasotzen direnetik hasita.

LAUGARRENA: Herri Administrazioen Araubide Juridiko eta Administrazio Prozedura Erkidearen Legeak 86. artikuluan xedatutakoaren konforme (30/1992 Legea, azaroaren 26koa), EKAParen eta kudeaketa gidalerro eta jardunen hasierako agiria (alegia, Natura 2000 Sareko Valderejo-Sobrón-Arcenako mendilerroa ES2110024 KEBa/HBBEa natura guneari dagokiona) jendaurrean jartzea, nornahik, pertsona fisiko nahiz juridiko, dokumentua aztertu ahal izan dezan eta alegazioak aurkeztu, argitaratzen denetik bi hilabeteko epean. Iragarkia Arabako Lurralde Historikoko Aldizkari Ofizialean eta Euskal Herriko Agintaritzaren Aldizkarian argitaratuko da.

Epe horretan, Natura 2000 Sareko Valderejo-Sobrón-Arcena mendilerroa ES2110024 KEBa/HBBEa natura gunearen kudeaketa gidalerro eta neurrien hasierako agiria eta Valderejoko natura parkearen erabilera eta kudeaketa arautzeko III. Plana honako leku hauetan egongo da, nahi duenak aztertzeko:

– Ingurumen eta Hirigintza Zuzendaritzaren Natura Ondarearen Zerbitzuaren bulegoa (Probintzia plaza, bulego teknikoak, 2. solairua, 01001 Gasteiz).

– Gaubeako eta Lantarongo udalak.

– Interneteko web gune honetan ere bai: <http://www.araba.eus/web/valderejo>, Arabako Foru Aldundiaren Ingurumen eta Hirigintza Sailaren orrian.

BOSGARRENA: Alegazio, ohar eta iradokizunak hona igorri behar dira: Ingurumen eta Hirigintza Zuzendaritzaren Natura Ondarearen Zerbitzuaren bulegoa (Probintzia plaza, bulego teknikoak, 2. solairua, 01001 Gasteiz).

SEIGARRENA: Ebazpen hau Valderejoko natura parkearen patronatuko kideei jakinaraztea, agiriaren testu osoa igortzearekin batera.

Gasteiz, 2016ko uztailaren 22a

Ingurumen eta Hirigintza Saileko foru diputatua
JOSEAN GALERA CARRILLO